

- P A N I A Y E N -

*Pa ni ayen*

*Ki pé pli bel pou mwen lè ou bò mwen ka souri,  
Lè adan zyé-u, man pé li kè wou é mwen, sé pou lavi.*

*Pa ni ayen*

*Pou ba mwen plis konfians lè man séré dan bra-u,  
Fè mwen santi, dè tout fòs-mwen, tout tyè-mwen,  
An tout kò-mwen, tout nanm-mwen, man sé taú.*

*Pouú mwen pé fè lantou latè, volé jik pabò Sipitè.  
Tou sa ou ni a fè, sé enmen mwen pli fò chak jou Bondié fè.*

*An vré lanmou pou lavi, lè ou ni sa, pa bizwen mandé plis ki sa  
Pa ni ayen dot pou mwen, doudou, sé sa mwen bizwen.  
An vré lanmou pou lavi, ba mwen sa, man pé ké mandé plis ki sa  
Pa ni ayen ki pli bel, jiré lanmou éternel.  
An vré lanmou pou lavi, lè ou ni sa, pa bizwen mandé plis ki sa  
Man pa lé dot bagay, doudou, sé sa mwen bizwen.*

*Pa ni ayen*

*Ki pé féw pli soufè, pli mal lè i pati, lè ou santi  
Tout pwomes, tout ti mo dou, sa bien fini.*

*Pa ni ayen*

*Ki pé vin pli mové lè ou wè i oubliyé,  
Konsi yo té tiré tout sans a lavi,  
Pa menm ni plas pou lespwa, tan an rété.*

*Pou i pa rété kòlè,  
Pou lavi pa lanfè,  
Pa ni ayen...*

*Pou i pa rété rayi,  
Pou i vin an paradi  
Pa ni ayen dot ki sa, Lanmou*

An vné lanmou pou sovè limanité, pa bizwen mandé plis ki sa  
Pa ni ayen dot pou nou, ou sav sé sa nou bizwen.  
An vné lanmou pou chanjé, ba nou sa, nou pé ké mandé plis ki sa  
Pa ni ayen ki pli fò, i menm pli fò ki lanmò.  
An vné lanmou pou sovè limanité, pa bizwen mandé plis ki sa  
An vné lanmou pou chanjé, ba nou sa, nou pé ké mandé plis ki sa  
Épi'y nou sav pa té ké ni ladjè, épi'y ant Nonm pa té ké ni koulé

Pa bizwen mandé plis    Nou pé ké mandé plis (x 4)  
(- Gad jan nou ka cheché sa,    - Jan nou ka palé di sa,  
- Mé sa red a touvé sa    - Fo ou ni lafwa...)